

Misi tebus kecewa bermula

Cabaran menggunung, tetapi anak didik Fandi Ahmad yakin



NORMAN SAWI
normans@sph.com.sg

PERTARUHAN bagi LionsXII dan Fandi Ahmad menjelang musim baru ini adalah tinggi.

Musim lalu, walau berbekal kemegahan sebagai juara bertahan dan pada tahun pertama Fandi memimpin LionsXII, ia tersungkur dan jatuh ke kedudukan kelapan dalam Liga Super Malaysi – posisi paling rendah sejak ia kembali ke bola sepak Malaysia pada 2012.

Ketiadaan Baihakki Khaizan, Shahril Ishak dan Hariss Harun – tunggak pasukan yang menjulang piala dalam 2013 – antara sebab utama yang ditimbulkan demi memahami kejatuhan LionsXII.

Pemainnya juga masih muda dan kurang berpengalaman demi bersaing dalam liga yang pantas dan lasak dan mencapai tahap permainan konsisten yang diperlukan demi mempertahankan kejuaraan.

Musim ini, sebab yang sama akan dianggap sekadar alasan jika diutarakan lagi.

Kini, pada musim kedua bersama pasukan, Fandi dan LionsXII akan dinilai melalui cara beliau merangsang semangat pemainnya demi mengecapi keputusan yang didamba secara konsisten.

Cabaran bagi LionsXII telah bertambah musim ini.

Pasukan dari seberang Tambak kini boleh memainkan kesemua empat pemain import secara serentak.

Namun LionsXII musim ini berbekal semangat juang baru.

Barisan serangan telah menerima suntikan segar.

Sementara Khairul Amri kekal mengetuai barisan penyerang berbakat seperti Khairul Nizam, Sufian Anuar dan Syafiq Zainal, Fandi kini mempunyai pilihan tambahan dalam bentuk Sahil Suhaimi.

Penyerang nasional itu terbukti di depan gol dan ghairah membuktikan keupayaan dalam liga asing.

Di midfield, Fandi boleh bergantung pada gandingan kapten Isa Halim dengan Izzdin Shahfiq atau Firdaus Kasman demi mengawal rentak permainan, dengan Zulfahmi Ariffin berperanan sebagai nadi kreatif pasukan.

Faris Ramli, Nazrul Nazari dan Christopher Van Huizen pula diharap dapat memporak-perandakan lawan dari posisi sayap.

Dari mata kasar, barisan midfield LionsXII berpotensi menggerunkan, tetapi sayangnya ia kurang pemain pelapis.

Pemain mapan Shahdan Sulaiman belum pulih dari kecederaan. Raihan Rahman dan seorang lagi pemain bek Faritz Hameed juga masih cedera.

Sebab itulah Fandi ‘pening’ memikirkan tentang pertahanannya, terutama setelah Safuwani Baharudin berpindah ke Melbourne City FC. Fandi hanya boleh bergantung pada Afiq Yunus, Madhu Mohana atau pemain baru Zakir Samsudin, Faris Azienuddin dan Wahyudi Wahid sepanjang musim.

Malah, menurut Fandi, beliau sedang menimbangkan buruk baik memainkan pemain sayap Nazrul di posisi bek, demi mengisi kekosongan di pertahanan. Pemain serba boleh Hafiz Abu Sujad juga selesa beraksi di pertahanan atau midfield.

Apa sahaja strategi Fandi dan anak didiknya pada musim baru ini, satu perkara faktor adalah jelas - ia tidak lagi mahu melalui ‘aib’ musim lalu.

“Kami perlu membuktikan bahawa kami mampu bangkit dan beraksi bak juara. Tiada valasan bagi kami musim ini,” kata Nazrul.

Kebangkitan LionsXII bermula di Stadium Jalan Besar Sabtu ini.



FARIS RAMLI



SAHIL SUHAIMI



KHAIRUL AMRI

LIONSXII

Nama gelaran: Lions
Kubu: Stadium Jalan Besar (7,000 penonton)
Kedudukan 2014: Kelapan
Jurulatih: Fandi Ahmad
Pemain bahaya: Khairul Amri, Sahil Suhaimi, Faris Ramli



TERENGGANU FA

Nama gelaran: Sang Penyu
Kubu: Stadium Sultan Mizan Zainal Abidin (50,000 penonton)
Kedudukan 2014: Ketiga
Jurulatih: Abdul Rahman Ibrahim
Pemain bahaya: Paulo Rangel (Brazil), Zairo Anuar, Ismail Faruqi



KELANTAN FA

Nama gelaran: The Red Warriors
Kubu: Stadium Sultan Muhammad IV (22,000 penonton)
Kedudukan 2014: Keenam
Jurulatih: George Boateng
Pemain bahaya: Mohd Badhri Mohd Radzi, Ahmad Fakri Saarani, Isaac Pupo (Liberia)



ATM FA

Nama gelaran: The Gladiators
Kubu: Stadium Selayang
Kedudukan 2014: 10
Jurulatih: B Sathianathan
Pemain bahaya: Hairuddin Omar, Norshahrul Idran Taleha, K. Reuben



JOHOR DARUL TAKZIM

Nama gelaran: Harimau Selatan
Kubu: Stadium Larkin (30,000 penonton)
Kedudukan 2014: Juara
Jurulatih: Bojan Hodak
Pemain bahaya: Hariss Harun (Singapura), Mahali Jasuli, Safee Sali,



PAHANG FA

Nama gelaran: Tok Gajah
Kubu: Stadium Darul Makmur, (40,000 penonton)
Kedudukan 2014: Keempat
Jurulatih: Zainal Abidin Hassan
Pemain bahaya: Dickson Nwakaeme (Nigeria), Matias Conti (Argentina) R. Gopinathan



SARAWAK FA

Nama gelaran: Ngap Sayot
Kubu: Stadium Negeri (40,000 penonton)
Kedudukan 2014: Ketujuh
Jurulatih: Robert Alberts
Pemain bahaya: Joseph Kalang Tie, Ashri Chuchu, Ronald Hispoors (Belanda)



POLIS DIRAJA MALAYSIA (PDRM)

Nama gelaran: The Cops
Kubu: Stadium MBPJ
Kedudukan 2014: Juara MPL
Jurulatih: Azman Adnan
Pemain bahaya: Muslim Ahmad, Afif Amiruddin, Nurul Azwan Roya




SELANGOR FA

Nama gelaran: Gergasi Merah
Kubu: Stadium Shah Alam, (80,932 penonton)
Kedudukan 2014: Naib Juara
Jurulatih: Mehmet Durakovic
Pemain bahaya: Leandro Dos Santos (Brazil), Andik Vermansyah (Indonesia), Thamil Arasu Ambumamee



SIME DARBY FC

Nama gelaran: The Giant Killers
Kubu: Stadium Selayang (11,000 penonton)
Kedudukan 2014: Kelima di Liga Perdana Malaysia (MPL)
Jurulatih: Ismail Zakaria
Pemain bahaya: Nemanja Vidakovic (Serbia), Marko Perovic (Serbia), Dilshod Dragicevic (Uzbekistan)



PERAK FA

Nama gelaran: The Bos Gaurus
Kubu: Stadium Perak (42,000 penonton)
Kedudukan 2014: M. Karathu
Jurulatih: Kesembilan
Pemain bahaya: Marco Silva (Brazil), Mohd Nasir Basharuddin, Bobby Gonzales



FELDA UNITED

Nama gelaran: The Fighters
Kubu: Stadium MBPJ
Kedudukan 2014: Naib Juara MPL
Jurulatih: Irfan Bakti Salim
Pemain bahaya: Indra Putra Mahayuddin, Muhammad Shukor Adan, Edward Wilson (Liberia)



PERUBAHAN UTAMA MUSIM 2015

Pengadil di garisan gawang akan diperkenalkan dalam beberapa perlawanan terpilih. Jika mendapat sambutan baik dalam tempoh ujian, inisiatif ini akan dilanjutkan bagi semua perlawanan.

Setiap pasukan (kecuali LionsXII) boleh menurunkan kesemua empat pemain import secara serentak. Sekurang-kurangnya seorang pemain import perlu berasal dari negara Gabungan Bola Sepak Asia (AFC). Musim lalu, setiap pasukan dibenar mendaftar empat pemain import, tetapi hanya dibenar memainkan tiga pemain import secara serentak.



Jadual Perlawanan LionsXII

7 Feb: lawan Polis Diraja Malaysia (PDRM) (JBS)

14 Feb: lawan Kelantan (Stadium Sultan Muhammad IV)

21 Feb: lawan Perak (Stadium Perak)

Piala FA

28 Feb: lawan PBM Kedah (Stadium Jitra Mini)

7 Mac: lawan Felda United (Stadium Selayang)

14 Mac: lawan Terengganu (JBS)

4 Apr: lawan Pahang (Stadium Darul Makmur)

11 Apr: lawan Johor Darul Takzim (JDT) (JBS)

18 Apr: lawan Selangor (Stadium Shah Alam)

25 Apr: lawan Sarawak (JBS)

2 Mei: lawan Sime Darby (Stadium Selayang)

30 Mei: lawan Angkatan Tentera Malaysia (ATM) (JBS)

2 Jun: lawan ATM (Stadium Paroi)

5 Jun: lawan PDRM (Stadium Shah Alam)

20 Jun: lawan Kelantan (JBS)

27 Jun: lawan Perak (JBS)

4 Julai: lawan Felda United (JBS)

25 Julai: lawan Terengganu (Stadium Sultan Ismail Nasiruddin Shah)

2 Ogos: lawan Pahang (JBS)

8 Ogos: lawan JDT (Stadium Larkin)

15 Ogos: lawan Selangor (JBS)

22 Ogos: lawan Sarawak (Stadium Negeri)

29 Ogos: lawan Sime Darby (JBS)

Jadual boleh berubah
Butiran tiket akan diumumkan
Persatuan Bola Sepak Singapura
(FAS)